

館課
三月下旬



門生陳子遠



13



蕭曹丙魏相業評

柳揚公
度

余讀漢史高惠昭宣之際相業赫赫在人耳目者率稱蕭何曹參丙吉魏相裒然居首然跡其行事論之其得者固多失者亦不少也當高祖定關中何為相國供芻茭給軍糧無闕又悉調關中老弱詣京索滎陽補伍此稍有才略者可辨何業之為即講定律令與民畫一乃刀筆吏優為之未足多也當是時淮陰就戮英彭祖醢何身為相國獨無一言辭救何哉甚至買田宅美宮殿宴懼禍烈及己也而多方為之辭不已嗟乎此何之失也曹參聞何卒即促

家人治行束裝似有所鬱於中繼何之後欲用其所未足者
及之官祿無所建白且崇治黃老崇尚清靜權移呂氏曾
不早計國家置相之謂何直為此持祿養優也當其時
幸孝專仁柔不深督過耳乃托以醇酒蓋短覆拙此參之
失也孝宣繼大亂之後勵精蓄治可謂勤矣魏相居輔相
宜有以盡其職乃其規結末為設施未見有可觀者雖其言曰
春秋譏世卿今霍氏三公四侯太盛非所以保全功臣也然
卒不能使帝罷之就第以致夷滅豈所謂慮患豫防者哉
此相之失也傳稱丙吉為相不問群鬪死傷而問牛喘似

乎識大體者然陰陽和四時順民人樂業少長齒讓何鬪
之為且君子之為政也先民而後物先惠而後德吉不能
使民無鬪而不問鬪猥云京兆尹之職也亦迂而遠於情
矣此吉之失也然其得者固多矣高帝初入關諸將爭取
金帛何獨入丞相府取圖籍以知天下阨塞戶口此其識
度有大過人者又以長安地狹請上林空地願令民得入
田此真宰相事也曹參能知不足克己無為於漢法無所
更張可謂善矣及呂氏之亂民思念劉氏不忘不可謂非
參之澤也魏相為相好觀漢故事有便於國輒奏行之可

謂不矜其能不伐其功者矣。又因許伯白去副封慮臣下
壅蔽與丙吉同心輔政其亦有足多者。丙吉挾阿保之勳
又兼有定策謀而絕口不言豈趨利見功者哉。國家擇人
置相如四子者棄其短而錄其長得失不相掩瑕瑜不相
累。養之以德器深之以學問雖與旦奭伊傅比烈何多讓
焉。是故論而列之俾後之君子得以覽焉。

錦樹行

積翠霏：繞錦城尋芳踏遍喜相迎。斜倚瓊枝疑剪
綵。醉拾殘葉已落英。紅幔風捲翻層嶺。丹嶂花開恍畫

做不出

題名

旌少年無賴。彈騎雀穿碎絳紗。與綠茵綠茵不耐金
丸壞。雕鞍莫向樹頭掛。春光黯靄好相思。暫過長堤

索債春

